

SPR Peruntuk RM78 Juta Untuk PRU-13 Di Sarawak
Bernama
26 Jun, 2012

KUCHING, 26 Jun (Bernama) -- Suruhanjaya Pilihan Raya (SPR) telah memperuntukkan sejumlah RM78 juta bagi Pilihan Raya Umum ke-13 (PRU-13) untuk Sarawak, kata Timbalan Pengerusi SPR, Datuk Wan Ahmad Wan Omar.

Katanya jumlah itu merupakan peruntukan yang tertinggi berbanding dengan negeri lain memandangkan SPR mengambil kira saiz kawasan yang perlu diliputi semasa pilihan raya.

"Kalau kita tengok pecahannya, (perbelanjaan) sewaanlah yang paling besar, 56 peratus bajet kita pergi ke sewaan sahaja," katanya dalam sidang akhbar selepas merasmikan taklimat untuk Pasukan Penguatkuasa Kempen Pilihan Raya (PPKPR) di sini Selasa.

Menurutnya antara perbelanjaan sewaan ialah untuk 777 buah perahu, 53 buah bot laju, 4,600 buah kereta termasuk kenderaan pacuan empat roda, 27 buah helikopter dan dua buah kapal terbang kecil.

Hanya pilihan raya kawasan Parlimen sahaja yang akan diadakan di negeri ini dalam PRU-13 yang melibatkan 31 buah kawasan di mana penggunaan helikopter diperlukan di 15 buah daripada kawasan berkenaan, katanya.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=675906>